

- 90 D. Þegar sérstaklega stendur á má rafveitustjórn í samráði við rafveitustjóra selja
27. apríl raforkuna eftir sérstökum samningi í hvert skipti.
E. Í útihúsum og sjóhúsum greiðist hver kwst. með 1 kr. öll notkun.
F. Gjald fyrir götu- og hafnarlýsingu ákveður bæjarstjórn eftir tillögu rafveitunefndar.

II. Mælaleiga.

Leiga fyrir rafmæla er kr. 1.00 á mán. Gjald fyrir raforku og mælaleigur skulu greiðast mánaðarlega.

Gjöld þessi má taka lögtaki.

III. Ýmis ákvæði.

Hafi gjald samkvæmt gjaldskrá þessari eigi verið greitt, svo að til lokunar komi fyrir veitu, skal taka gjald fyrir enduopnun veitunnar, kr. 10.00.

Bæjarstjórn er heimilt að hækka eða lækka gjöld, sem ákveðin eru í gjaldskrá þessari, um allt að 20%, án sérstakrar staðfestingar ráðuneytisins.

Gjaldskrá þessi, sem bæjarstjórn Ólafsfjarðar hefur samið og samþykkt, staðfestist hér með samkvæmt vatnalögum, nr. 15 20. júní 1923, til þess að öðlast gildi þegar í stað og gilda til 1. október 1945.

Með gjaldskrá þessari er úr gildi felld bráðabirgðagjaldskrá fyrir notkun rafmagns í Ólafsfjarðarkauptúni, nr. 147 28. ágúst 1940.

Atvinnu- og samgöngumálaráðuneytið, 27. apríl 1945.

Emil Jónsson.

Páll Pálmason.

91

SAMÞYKKT

30. apríl

um stjórn bæjarmála Ólafsfjarðarkaupstaðar.

1. gr.

Bæjarstjórn Ólafsfjarðar er skipuð 7 kjörnum bæjarfulltrúum. Þeir taka ákvarðanir á bæjarstjórnarfundum um þau málefni kaupstaðarins, er til bæjarstjórnar koma. Bæjarstjóra er rétt og skylt að sitja fundi bæjarstjórnar, en ekki á hann þar atkvæði, nema hann sé jafnframt bæjarfulltrúi.

2. gr.

Sérstökum málefnum kaupstaðarins stjórna og hafa með höndum fastar nefndir, er bæjarstjórn kys. Þessar nefndir eru:

1. Fjárhagsnefnd.
2. Framfærslunefnd.
3. Allsherjarnefnd.
4. Fasteignanefnd.
5. Rafveitunefnd.
6. Veganefnd.
7. Vatns- og hitaveitunefnd.
8. Fjallskilaneftnd.
9. Bókasafnsneftnd.
10. Niðurjöfnunarneftnd.

11. Bygginganefnd.

12. Hafnarnefnd.

13. Kjörskrárnefnd.

91

30. apríl

Enn fremur kýs bæjarstjórn:

1. 4 menn í skólanefnd kaupstaðarins og 2 menn í skólanefnd farskólans til fjögurra ára.
2. 4 menn í stjórn sjúkrasamlags Ólafsfjarðar.
3. 1 mann í heilbrigðisnefnd.
4. 1 mann í skattanefnd.
5. 1 mann í verðlagsskrárnefnd.
6. Slökkviliðsstjóra, varaslökkviliðsstjóra og 1 mann í brunamálanefnd.
7. Kjörstjórnir samkvæmt fyrirmælum kosningalaganna.
8. 2 endurskoðendur bæjarreikninganna og tvo til vara, til þriggja ára.
9. 5 menn í barnaverndarnefnd og 2 til vara.
10. 1 mann í fasteignamatsnefnd.

Fastar nefndir skulu kosnar til eins árs í senn, í fyrsta sinn á kjörtímabilinu þegar er reglulegar bæjarstjórnarkosningar eru um garð gengnar, og síðan á fyrsta fundi hvers árs. Um kosningu í bygginganefnd fer þó eftir byggingarsamþykkt Ólafsfjarðarkaupstaðar.

Enn fremur kýs bæjarstjórn bæjarstjóra. Skal hann kosinn eftir hverjar almenningar bæjarstjórnarkosningar, og er kjörtími hans hinn sami og bæjarfulltrúa. Endurkjósa má bæjarstjóra, og setur bæjarstjórn með samþykkt staðfestri af ráðuneytinu ákvæði um starfsvið hans, laun og skrifstofufé. Kosning bæjarstjóra skal vera leynileg.

Verði sæti nefndarmanns autt, eða fái hann þau forföll, að hann geti ekki gegnt starfi sínu, tekur varafulltrúi sæti hans, og gilda um það sömu reglur og um setu varafulltrúa í bæjarstjórn í stað bæjarfulltrúa, sé um bæjarfulltrúa að ræða. Sé nefndarmaður utan bæjarstjórnar, kjósi bæjarstjórn mann í hans stað, ef henni þykir ástæða til.

Bæjarstjórn getur með þeim undantekningum, sem leiða af ákvæðum í lögum og reglugerðum um starf fastra nefnda, tekið sérhvert mál til meðferðar og úrskurðar, þótt falið hafi verið fastri nefnd, og er það þá gengið undan þeirri nefnd.

Bæjarstjórn getur og skipað sérstakar nefndir í einstök mál, þegar svo þykir henta, eða falið einhverjum fulltrúa framkvæmd þeirra. Allar nefndir skulu kjósa sér formann á fyrsta fundi sínum. Sérhver fastanefnd skal halda gerðabók og skrá þar fundargerðir.

3. gr.

Fjárhagsnefnd er skipuð þremur bæjarfulltrúum. Hún hefur umsjá með fjárhag kaupstaðarins, undirbýr áætlanir um tekjur og gjöld kaupstaðarins, semur árlega skýrslu um eignir og skuldir kaupstaðarins, hefur eftirlit með því að bæjargjaldkeri riti rétt og reglulega bækur sínar, heimti tekjur kaupstaðarins á réttum tíma, setji handbært fé hans á vöxtu og yfirleitt að hann hegði sér samkvæmt erindisbréfi sínu.

Nefndin skipar fyrir um hversu bækur gjaldkera og annarra, er kunna að hafa umráð yfir fé kaupstaðarins, skuli lagaðar, nema öðruvísi sé fyrir mælt. Hún leiðbeinir þeim, er hlut eiga að máli, litur eftir fjárbyrgðum þeim, er þeir hafa undir höndum og gætir þess, að reglum þeim sé hlýtt, sem um fjárhagsmálefni eru settar.

4. gr.

Í framfærslunefnd eru kosnir þrír menn. Nefndin hefur á hendi stjórn allra framfærslumála í Ólafsfjarðarkaupstað. Nefndin stjórnar og elliheimili og barna-

91 heimili bæjarins, ef slík fyrirtæki verða sett á stofn. Bæjarstjórn úthlutar ellilaun-
30. apríl um og örorkubótum samkvæmt alþýðutryggingalögum.

Bæjarstjóri er jafnframt framfærslustjóri, nema til þess sé ráðinn sérstakur maður.

5. gr.

Allsherjarnefnd skipa þrír bæjarfulltrúar. Hefur hún með höndum öll þau mál, er ekki heyra sérstaklega undir aðrar fastanefndir bæjarstjórnar.

6. gr.

Í fasteignanefnd eru kosnir þrír bæjarfulltrúar. Hefur nefndin á hendi umsjá með fasteignum bæjarins, svo sem: lóðum, húsum, jörðum, svo og veiðiafnotum, reka, mótaki, grjótnámi, slægjum, hagabeit o. s. frv.

Nefndin sér um útmælingu ræktunarlóða og annarra lóða, sem ekki falla undir starfssvið bygginganefndar samkvæmt byggingasamþykkt kaupstaðarins, gerir tillögur um leigu á fasteignum, lóðum og jarðarafnotum.

7. gr.

Rafveitunefnd skipa þrír menn. Hún sér um rafstöð kaupstaðarins, samkvæmt lögum og reglum um það efni. Rafstöðvarstjóri er ráðunautur nefndarinnar um öll störf hennar og mætir á öllum fundum nefndarinnar, en hefur þar ekki atkvæðisrétt. Hann sér og um innheimtu á tekjum stöðvarinnar. Bæjargjaldkeri skal vera gjaldkeri rafstöðvar.

8. gr.

Veganefnd er skipuð þremur bæjarfulltrúum. Nefndin hefur á hendi alla umsjón með og framkvæmdir á vegagerðum, endurbótum vega og hirðingu. Einnig gerir hún tillögur til bæjarstjórnar um framlag til vega.

9. gr.

Vatns- og hitaveitunefnd er skipuð þremur mönnum. Nefndin hefur það verk-svið, að sjá um framkvæmdir hitaveitu Ólafsfjarðar og hafa eftirlit með öllu, er henni viðkemur. Enn fremur hefur nefndin umsjón með vatnsveitu og holræsum kaupstaðarins samkvæmt reglugerðum.

Hún hefur og eftirlit með innheimtu og reikningshaldi þessara fyrirtækja og gerir tillögur um fjárhagsleg atriði fyrirtækjanna.

10. gr.

Fjallskilaneftnd skal skipuð þremur mönnum. Annast hún allt, er að fjallskil-um lýtur, þar með talin refaeyðing, fjárböðun og fjárkláðaeftirlit.

11. gr.

Í bókasafnsneftnd eru kosnir þrír menn. Hún annast bókasafn bæjarins, samkvæmt samþykktum þar að lútandi.

12. gr.

Í niðurjöfnunarneftnd eru kosnir fjórir menn í nóvembermánuði, til eins árs í senn, en formaður hennar er formaður skattanefndar. Um störf niðurjöfnunar-neftndar fer eftir lögum um útsvör.

13. gr.

Bygginganefnd er skipuð fjórum mönnum, auk bæjarstjóra. Þar af tveimur úr flokki bæjarfulltrúa. Nefndin annast byggingamál bæjarins samkvæmt því sem fyrir er mælt í byggingalögum og byggingasamþykkt kaupstaðarins.

14. gr.

Hafnarnefnd skipa þrír menn og þrír til vara. Nefndin hefur á hendi framkvæmd hafnarmála og eftirlit með höfninni, samkvæmt hafnarlögum Ólafsfjarðar-kaupstaðar. Hún hefur auk þess eftirlit með innheimtu hafnargjalda.

91

30. apríl

15. gr.

Í kjörskrárnefnd eru kosnir 3 menn. Nefndin semur með aðstoð bæjarstjóra kjörskrá í tæka tíð fyrir allar almennar kosningar.

16. gr.

Samkvæmt viðkomandi lögum og reglugerðum eru kosnar og starfa: Skólanefndir, stjórn sjúkrasamlags Ólafsfjarðar, heilbrigðisnefnd, skattanefnd, slökkviliðsstjóri og brunamálanefnd, kjörstjórnir, endurskoðendur bæjarreikninganna, barnaverndarnefnd og fasteignamatsnefnd.

17. gr.

Allar fastanefndir bæjarstjórnar og nefndir, er hún setur í einstök mál, skulu leggja gerðir sínar fyrir bæjarstjórn til meðferðar og endanlegrar samþykktar eða synjunar.

18. gr.

Alla reikninga til bæjarsjóðs og fyrirtækja bæjarins, skal senda bæjarstjóra. Rannsakar hann þá, sér um að þeir séu nægilega vottaðir að þeir séu réttir, hafi áætlunarheimild eða samþykkt bæjarstjórnar við að styðjast og ávísar þeim síðan til greiðslu.

Ekkert fé, nema laun fastra starfsmanna, má greiða úr bæjarsjóði nema eftir löglegri ávísun. Lögleg ávísun telst áritun formanns hlutaðeigandi nefndar.

19. gr.

Endurskoðaðir reikningar kaupstaðarins skulu liggja frammi 15 daga almenningsi til sýnis, og séu þeir lagðir fram fyrir lok aprílmánaðar ár hvert.

20. gr.

Þær nefndir, sem fjármál hafa með höndum, skulu innan þess tíma er bæjarstjóri tiltekur, senda fjárhagsnefnd frumvarp að áætlun um tekjur og gjöld mála þeirra, er undir þær heyra, svo og tillögur um hvernig fjárveiting skuli varið.

21. gr.

Bæjarstjóri annast framkvæmdir á málum þeim og ráðstöfunum, sem eigi eru öðrum falin, og allar bréfaskriftir bæjarstjórnar.

22. gr.

Til þess að gera breyting á samþykkt þessari þarf umræður á tveim fundum í bæjarstjórn, samþykki meiri hluta atkvæða og staðfestingu stjórnarráðs.

Samþykkt þessi, sem bæjarstjórn Ólafsfjarðar-kaupstaðar hefur samið og samþykkt, staðfestist hér með samkvæmt lögum nr. 60 31. okt. 1944, um bæjarstjórn í Ólafsfirði, til þess að öðlast þegar gildi, og birtist til eftirbreytni öllum þeim, sem hlut eiga að máli.

Félagsmálaráðuneytið, 30. apríl 1945.

Finnur Jónsson.

Páll Pálmason.